

Na osnovu člana 2.12. stav 5. Izbornog zakona Bosne i Hercegovine (Sl. glasnik BiH broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini (Sl. glasnik BiH broj 67/21, 73/21 i 13/22), člana 1. Odluke o raspisivanju Javnog oglasa za imenovanje jednog člana Općinske izborne komisije osnovne izborne jedinice Teočak, Općinsko vijeće Teočak r a s p i s u j e:

J A V N I O G L A S

za imenovanje jednog člana Općinske izborne komisije osnovne izborne jedinice Teočak

I

Raspisuje je Javni oglas za imenovanje jednog člana Općinske izborne komisije osnovne izborne jedinice Teočak.

Članove Općinske izborne komisije osnovne izborne jedinice Teočak imenuje Općinsko vijeće Teočak uz saglasnost Centralne izborne komisije Bosne i Hercegovine na period od 7 (sedam) godina, koji traje od dana dobivanja saglasnosti.

II

Uslovi, koje kandidat za člana Općinske izborne komisije osnovne izborne jedinice Teočak treba ispunjavati su slijedeći:

Opći uslovi propisani članom 2.2. Izbornog zakona BiH:

- Član Općinske izborne komisije je osoba sa pravom glasa,
- Član Općinske izborne komisije je osoba sa odgovarajućom stručnom spremom i iskustvom u provođenju izbora,

III

Pored općih uslova propisanim članom 2.2. Izbornog zakona BiH, član Općinske izborne komisije osnovne izborne jedinice Teočak mora ispunjavati i slijedeće posebne uslove:

- da imaju prebivalište u Općini Teočak,
- da imaju završen fakultet, odnosno VII/1 stepen stručne spreme ili završen fakultet Bolonjskog sistema studiranje s najmanje 180 ETCS i
- da posjeduju iskustvo u provođenju izbora,

Pod iskustvom u provedbi izbora, podrazumijeva se:

- a) članstvo u izbornoj komisiji,
- b) članstvo u biračkom odboru na izborima obuhvaćenim Izbornim zakonom BiH,

IV

1. Član Općinske izborne komisije MOŽE biti osoba sa prebivalištem iz druge općine, ukoliko nema kandidata sa prebivalištem u općini za koju se imenuje izborna komisija koji ispunjavaju uslove tražene Javnim oglasom .
2. Član Općinske izborne komisije MOŽE biti osoba koja ima VII/1 stručne spreme završen pravni fakultet, odnosno završen pravni fakultet Bolonjskog sistema studiranja s najmanje 180 ETCS bez izbornog iskustva,

3. Sastav Općinske izborne komisije nastojat će se osigurati zastupljenost spolova u skladu sa Zakonom o ravnopravnosti spolova u Bosni i Hercegovini, osim ako se Izborna komisija sastoji od 3 člana kada ravnopravna zastupljenost postoji u slučaju kada je jedan od spolova zastupljen s 1/3 od ukupnog broja članova.
4. Član Općinske izborne komisije MOŽE biti predsjednik ili sudija redovnog suda, sekretar općinskog vijeća, odnosno skupštine općine i gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2. Izbornog zakona a nemaju smetnji iz člana 2.3. Izbornog zakona.

V

1. Za člana Općinske izborne komisije u skladu sa članom 2.3. Izbornog zakona BiH NE MOŽE biti imenovana osoba:
 - a. koja se ne može kandidovati u smislu odrebbi člana 1.6., 1.7. i 1.7. (a) Izbornog zakona BiH,
 - b. koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),
 - c. koja je nosilac izabranog mandata ili je član izvršnog organa vlasti, osim u slučajevima predviđenim članom 2.12. stav 4. ovog Zakona,
 - d. koja je kandidat za izbor za bilo koje organe vlasti,
 - e. kojoj je izrečena kazna za radnju koja predstavlja težu povredu Izbornog zakona ili propisa za koji je lično odgovorna u posljednje četiri godine računajući od dana pravosnažnosti odluke.
2. Član Općinske izborne komisije po članu 2.12. stav 7. Izbornog zakona BiH NE MOŽE biti zastupnik, odnosno punomoćnik političkog subjekta, koji učestvuje na izborima , niti soba koja je pravomoćnom sudskom presudom osuđena na kaznu zatvora u trajanju od šest mjeseci ili duže.
3. Član Općinske izborne komisije NE MOŽE biti osoba koja obavlja izvršnu funkciju kako je utvrđeno odredbom člana 1.8. stav 6. Izbornog zakona BiH odnosno osoba koju je na dužnost imenovalo Vijeće ministara BiH , Vlada Federacije BiH , Vlada Republike Srpske, Kantonalna vlada, općinsko ili gradsko vijeće odnosno skupština općine.

VI

Uz prijavu na javni oglas potrebno je dostaviti slijedeću dokumentaciju:

1. prijavni obrazac sa kontaktima podnosioca prijave(koji možete preuzeti u kancelariji 35),
2. kraća biografija sa ličnim podacima kandidata (ime, prezime, ime oca, jedinstveni matični broj, tačna adresa, broj telefona za kontakt),
3. ovjerena fotokopija lične karte,
4. ovjerena fotokopija diplome o stečenoj stručnoj spremi,
5. dokaz o izbornom iskustvu mora sadržavati podatke o nazivu izborne komisije i mandatnom periodu odnosno vrsti i godini izbora i nazivu biračkog mjesta u kojem je imenovani kandidat bio član biračkog odbora te podatak da je imenovani kandidat bio angažovan u radu biračkog odbora i obavljao ovu dužnost,
6. obrazac PBA-3 o prebivalištu člana izborne komisije ne stariji od 3 mjeseca od dana izdavanja nadležnog organa,
7. svojeručno potpisano izjavu o nacionalnom izjašnjenju kandidata za člana izborne komisije „sa posljednjeg popisa stanovništva u Bosni i Hercegovini“ ovjerenu kod nadležnog organa,
8. svojeručno potpisano izjavu o nepostojanju smetnji iz člana 2.3. Izbornog zakona BiH i ovjerenu kod nadležnog organa,

9. dokaz o naučnom zvanju ili položenom pravosudnom ispitu ili o nosiocu pravosudne funkcije i prisustvu obukama u organizaciji Centralne izborne komisije BiH, jednoj ili više obuka (**ovaj dokaz je neobavezan i kandidat ga može priložiti ako ga posjeduje**), ovaj dokument se koristi u postupku bodovanja kandidata kao dodatno bodovanje,

VII

Javni oglas će se objaviti na web stranici Općine Teočak dnevnim novinama „Oslobođenje“ i Radiju „Glas Drine“ Sapna.

Ovaj oglas ostaje otvoren 8 (osam) dana od dana objavljanja.

Po zatvaranju Javnog oglasa, Komisija za provođenje postupka po Javnom oglasu- Konkursna komisija podnosi pisani izvještaj nadležnom organu u kojem navodi sve relevantne podatke za svaku osobu koja se prijavila na Javni oglas. U izvještaju komisija vrši klasifikaciju kandidata na one koji ispunjavaju uslove i na one koji ne ispunjavaju uslove uz obrazloženje. Sa kandidatima koji ispunjavaju uslove Javnog oglasa komisija obavlja intervju iz oblasti poznavanja Izbornog zakona BiH i to:

- nadležnosti Izborne komisije i biračkih odbora,
- provedba izbora i zaštita izbornog prava,
- planiranje aktivnosti i budžeta ,
- etički kodeks organa za provođenje izbora i
- Poslovnika o radu Općinske izborne komisije Teočak,

nakon čega vrši bodovanje i sačinjava rang listu sa redoslijedom kandidata prema uspjehu (ukupnom broju bodova) postignutom na intervju i dodatnom bodovanju i istu dostavlja nadležnom organu.

Nadležni organ-Općinsko vijeće Teočak, će cijeneći položaj kandidata na rang listi izvršiti imenovanje i svoju Odluku dostaviti na saglasnost Centralnoj izbirnoj komisiji BiH.

Nepotpune i neblagovremene prijave neće biti uzete u razmatranje.

Prijave na Javni oglas dostaviti u zatvorenim kovertama sa naznakom „**Javni oglas za imenovanje člana Općinske izborne komisije osnovne izborne jedinice Teočak - NE OTVARAJ**“ na slijedeću adresu:

Komisija za provođenje postupka po javnom oglasu- Konkursna komisija

Centar bb

75 414 Teočak.

Za sve dodatne informacije možete dobiti na telefon: 035/755-319 ili 035/756-020

Predsjedavajući-a Općinskog vijeća Teočak

Nusret Džuzdanović, s.r.

